



UNIVERSITÄTS-
BIBLIOTHEK
PADERBORN

**R. P. Francisci Arias, Societatis Iesv Theologi, Tractatvs
Tres spirituales**

Arias, Francisco

Coloniæ Agrippinæ, 1603

Cap. 4. Id confirmatur S. Euangelij testimonio.

[urn:nbn:de:hbz:466:1-59574](https://nbn-resolving.org/urn:nbn:de:hbz:466:1-59574)

DIFFIDENTIA SVI IPSIVS. 93

si dixerit propria virtute se non posse ob-
tinere triumphum. Declarans autem,
quomodo hac diffidentia sui homo,
perueniat ad purissimam fiduciã DEI,
cum qua, vt loquitur Christus, omnia
homini sunt possibilis, addit. *Quantũ
fideles de se diffidunt, tantum in diuina
spei adiutorio confidunt, & quantum de
se infirmantur, tantũ fortes sunt & po-
tentes in DEO.*

C A P V T. IV.

*Confirmatur, quod dictum est, sacri Euã-
gelij testimonio.*

DOCTRINAM iam traditam
CHRISTVS in Euangelio ad-
miranda quadam similitudine
tali Magistro digna ob oculos posuit.
Omnis, inquit, qui venit ad me, & au- LUC. 6.
dit sermones meos, & facit eos, ostendã
vobis cui similis sit: similis est homini a-
dificanti domum, qui fodit in altũ, &
posuit fundamentum super petram. in-
undatione autem facta illisum est flumẽ
domui illi, & non potuit eam mouere
fundata enim erat super petram. Qu-
autem audit, & non facit, similis est ho-
mini adificanti domum suam super ter-

E 3

ran-

94 TRACTATUS DE VERA

ram sine fundamento : in quam illi
 sus est fluvius, & continuo cecidit, &
 facta est ruina domus illius magna. Pro
 fundè effodere terram ad ædificandã
 domum homo dicitur, quando firmi-
 ter in animo constituit, audire verbum
 Dei, & toto pectore diuinis obsequi
 præceptis, sic prorsus, vt non solùm lin-
 gua profiteatur se seruiturum DEO,
 optetq; serio esse in numero bonorũ,
 sed vt intimo corde decernat potius
 iacturam facere omnium, quam mi-
 nimũ præuaricari dei præceptũ. Tunc
 verò fundamentum locat in petra soli-
 da, & domum super illam erigit, quan-
 do in suis bonis propositis, atque eo-
 runde in executione, & reliquis pijs
 exercitijs non præfidit viribus suis,
 sed diuino auxilio: nã teste Apostolo,
 Christus petra & fundamentum est.
 Quid verò hinc sequitur, quando ho-
 mo omnem fiduciam in Christo col-
 locat, non in viribus suis? nempe, vt
 magni licet tentationum diabolicarũ
 & calamitatum fluctus irruant in illũ,
 grauiusq; concutiant, nõ possint ta-
 men illum vel minimum de statu vir-
 tutis deicere.

2 Cor. 3 10.

DIFFIDENTIA SVI IPSIVS 95

QVI vero aures præbet verbo diuino, & ædificat super terram sine iudamento, est Christianus qui vacat qui dem operibus bonis, & ex ijs quasi spiritale ædificium erigit, sed duo negligit, vel quod firmum & constans propositum non faciat quavis occasione abstinendi à peccatis, vel nimium fidat suę industrię, & nõ diuinę gratię, quod est ædificare nõ iacto solido fundamento, Quid verò hinc cõsequitur? vt multis licet pijs operibus ornatus & instructus, tamen minima tentatione impendente cum magno suo damno, & proximi scandalo in peccatum lethale corruat, vt omnium præteritorum bonorum iacturam faciat. Quæ de re Caiet. in hunc locum scribēs, sic loquitur. *Hic describi vides ruinam hominis, qui congeriem operum suorum adificauit super non integrum, seu non firmum usq; ad intima cordis penetrans propositum perseverandi in omnibus, vel propositum non fundauit super Christum hoc est, non est fiducia eius innixa super Christum, sed super viribus proprijs armis. Veroque enim m. do. are. v. v. rum fundamentum. Preterea prim. um*

Caiet. in

sequo-

94 TRACTVS DE VERÁ
*siquidem deest profunditas, & propter
secundum deest petra.*

Hæc æternæ sapientiæ doctrina,
magna reuerētia & gratiarum actione
amplectenda est, & diligentissimè ex-
ercenda, tum cauendo huius hominis
defectus, qui licet fide, multisq; bonis
operibus instructus esset, tamen firmo
non peccandi proposito destitutus e-
rat, & vt non fuisset, tamen suis viri-
bus conatibusq; plus nimio tribuebat:
tum etiam imitando sapientes veri-
Dei serui exemplum, qui extruens fa-
bricam boni operis, sanctæq; vitæ, cum
firmissimo proposito in eadem persi-
stendi omnem fiducia coniecit in om-
nipotentem DEVM, & filij eius Christi
virtutem & auxilium.

CAPVT V.

*Quomodo per inordinatam confidentiã,
qua homo vititur in actionibus hu-
manis suo fructu sp. lietur.*

OMNES homines, qui desiderio
alicuius boni consequendi te-
nentur, debent ad illud conse-
quendum suam quoq; industriam &
laborem conferre, quantum ratio na-
turalis.